



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Liber Theologiæ Moralis, Viginti Qvatvor Societatis Iesv Doctoribvs Reseratvs**

**Escobar y Mendoza, Antonio de**

**Lvgdvni, 1659**


Examen IV. De Interdicto.

**urn:nbn:de:hbz:466:1-41066**

Circa materiam de Censura Interdicti.

C A P V T P R I M V M.

*De Interdicti essentia, divisione, causis,  
& relaxatione.*

1.  *Vid est Interdictum?* Ecclesiastica Censura privans vsu quarundam diuinarum rerum, quatenus fidelibus is vsus communis est.
2. *Quotuplex sit?* Triplex, Locale, Personale & Mixtum, siue vtrumque simul, hoc est cum interdicatur locus, cum interdicatur persona, & cum tam locus quam persona interdiciantur. Porro interdictum locale, ac Personale tum generale, tum speciale esse potest.
3. *Interdictum locale fusiùs exprime.* Ciuitate aliqua interdicta, etiam suburbia & continentia aedificia debent intelligi. Et si generale sit, etiam Ecclesia exempta à iurisdictione eius qui interdictum tulit, interdicta censetur, scilicet Ecclesiae totius mentis templo omni accommodante in supplicium delinquentium. Si autem speciale, Capellas omnes eiusdem Ecclesiae, & contiguum coemeterium comprehendit.
4. *Personalis interdicti propria aperi.* Si generale sit, singulae personae quae communitatis illius, in quam fertur, partes sunt, interdictae manent. Interdicto populo, etiam habitantes in suburbiiis, si populi partes sint, interdicti intelliguntur. Interdicta familia Principis, etiam Clerici, si qui in familia essent, sunt interdicti.
5. *Interdicto populo, Clerus non comprehenditur?* Non; nec interdicto Clero censentur interdictae Religiosae personae, quae Regulares proprie dicuntur; quia nec Clericalis status cum seculari, nec Regularis cum Ecclesiastico confundendus est, praecipue in odiosa materia. Si autem interdictum sit speciale, in eo quidam generaliter interdicti sunt, qui scilicet illius populi pars sunt, & interdicto causam non dederunt; quidam verò specialiter, qui culpabiles sunt, & interdicto causam exhibuere.

6. *De mixto quid dicendum?* Ex interdicto generali loci non necessario generale personale, nec è contra inferitur; idemque de interdicto speciali dici potest. Nec ex interdicto personali speciali non inferitur interdictum locale speciale. Contra verò interdictum locale speciale necessario personale speciale semper inferit: sicut etiam locale generale semper speciale personale comprehendit.

7. *Quinam interdicti lator?* In totam Ecclesiam à Papa, vel generali Concilio Sede vacante ferri potest. In diocesim ab Episcopo. In specialem locum aut personam Ordinarius. Porro vt in totam Ecclesiam feratur interdictum iusta causa moraliter assignari non potest. Personale in quamlibet personam ferri potest, si iurisdictio, & iusta causa concurrant.

8. *Ob quamnam culpam interdictum detorqueatur?* Personale quidem propriam supponit culpam generale grauiorem. Locale verò si generale sit, grauem culpam & aliquo modo publicam exigit, si speciale, minorem, & non ita communem.

9. *De causa auferente interdictum, de eiusdemque relaxatione differere.* Si interdictum in puram pœnam latum sit, solubile est à Superiore habente ad id facultatem, si absque limitatione latum sit; si autem sit latum cum temporis determinatione, eo elapso cessabit. Profectò si latum sit in contumaciam, siue absolute, siue cum conditione, si satisfaciatur, absolute opus est. Interdictum locale si generale sit, ciuitatis destructione non tollitur; si speciale, eodem modo; quia semper remanet solum, in quo diuina fieri prohibitum est. At personale, dissoluto populo, vel communitate, sublatum est; quia de subiectiua causa interdicti nihil remanet.

10. *Personaliter & specialiter interdictus in eo moritur.* Et si penitens moriatur, absoluendus tamen post mortem indirectè est, vt viuentes illius possint corpus sepelire.

11. *A quonam absoluendus, qui per sententiam particularem ab Homine esset interdictus?* Ab eo solo, qui tulit, vel à Superiore eius est absoluendus. *Interdictum locale est à iure.* In pœnam latum si fuerit, regulariter ad certum tempus fertur; ideo eo elapso, per se finitur. Si ante tollendum sit, non nisi per conditionem iuris, vel Superiorem tollendum est. Idem assero, si absque temporis limitatione sit latum. Si verò in contumaciam sit latum tunc si reseruatum est, à solo reseruatore, eiusque Superiore soluitur; si non est reseruatum, tunc locale à solo Episcopo loci soluitur: personale eodem modo solus ordinarius tollit Episcopus. Si verò speciale, qui-

CAPVT II.

*De Interdicti effectibus.*

12. **I**nterdicti effectus recenset. Tres quidem sunt, Sacramen-  
torum scilicet, Officiorum diuinorum, & Ecclesiasticarum  
sepulturae priuatio.

13. *Primum effectum explana.* Primus effectus interdicti  
est eorum Sacramentorum priuatio, quae iure excepta non  
sunt. *Quanam autem sunt iure excepta Sacramenta?* 1. Bap-  
tismus exceptus est, etiamsi solemniter conferatur. 2. Confi-  
rmatio. 3. Pœnitentia iure antiquo solis ægrotantibus conce-  
debatur: at nouo cap. *Alma mater* etiam sanis quibuscunque  
permittitur, modo specialiter interdicti non sint, aut excom-  
municati. 4. Communio per modum viatici conferri potest  
iis tamen qui personaliter speciatim esset interdictus, ante  
Eucharistiam satisfactionem præmittere debet, & ab inter-  
dicto absolui. Porro extra mortis articulum conferri non  
potest. Scio probabiliter dari posse Clericis iis, qui diuinis  
officiis possunt interesse. 5. Extrema-unctio tempore inter-  
dicti absolutè est prohibita: vt etiam Ordo, & Matrimo-  
nium. Verùm Matrimonium sine solemnibus benedictione per-  
mitti posse probabiliter defendo.

14. *Quòdnam peccatum, in materia Sacramentorum inter-  
dictum violare?* Mortale crimen est, & Clerici si illud in mi-  
nisterio Sacramentorum violent, sunt irregulares. Religiosi  
verò & Moniales si generale interdictum non seruent, ipso  
iure sunt excommunicati.

15. *De secundo interdicti effectum differere.* Secundus effectus  
diuinorum officiorum priuatio est. Antiquo iure Missa sin-  
gulis hebdomadis, ad Eucharistiam pro infirmis conficien-  
dam, in Ecclesiis singulis permittebatur: Horæ Canonice in  
Ecclesia à binis vel ternis submissa voce, ianuis clausis & ex-  
communicatis exclusis, poterant recitari. Nouo autem iure  
tempore interdicti localis generalis, vt in singulis diebus  
Missæ celebrari possint, concessum est, & alia diuina officia  
sicut prius, campanis tamen non pulsatis. Laici, qui nec ex-  
communicati, nec interdicti specialiter sunt, ab officiis diui-  
nis excluduntur; nisi priuilegio fruantur. Quod si locale in-  
terdictum

terdictum speciale sit, tantum priuata Missa semel hebdomada, vt olim, dici poterit, si modò Ecclesia illa talis sit, vt in ea pro infirmis Eucharistia asseruetur. Personæ interdictæ siue generaliter, siue specialiter, in nullo loco celebrare, vel affluere sacro possunt, exceptis Festiuitatibus quatuor, Natalis Domini, Paschæ, Pentecostes, & Assumptionis Deiparæ.

16. *Potest ne interdicti Sacerdotis Missa exaudiri? Potest, etiamsi nominatim sit interdictus, modò ad eam faciendam cooperatio vitetur.*

17. *Quam igitur diuina officia prohibentur? Omnia illa, quæ substantialiter diuina sunt, & non nisi ab Ecclesiæ ministris exercentur. Vnde affirmo generalem confessionem, Angelicam salutationem, benedictionem mensæ, Crucis adorationem priuatam, officia recitari solita à confraternitatibus, animæ commendationem, prædicationem, purificationem mulierum post partum, & similia officia permitti tempore interdicti.*

18. *Quòdnam peccatum est interdictum in diuinorum officiorum materia violare? Mortale quidem ex genere suo in Ecclesiasticis, & laicis. Ecclesiastici autem præterea si proprium ordinis actum exercent, incurrunt irregularitatem, & electionis passiuæ priuationem.*

19. *Tertium denique interdicti effectum euolue. Tertius effectus Ecclesiasticæ sepulturæ priuatio est. Per interdictum generale loci prohibitum est, ne quis in eo loco Ecclesiasticæ sepulturæ amandetur, nisi per priuilegium à iure, vel ab homine sit exempta persona.*

20. *Num Clerici eidem iuri subiacent? Clerici, qui seruant interdictum, nec illi causam dederunt, in Ecclesiis sepeliri possunt antiquo iure, cum silentio: nouo, cum officio adhibita moderatione cap. Alma mater.*

21. *Priuilegiatus quis est ad diuina: potest ne consequenter Ecclesiastica sepultura frui? Non hoc ipso in sacro loco ex probabiliori sententia potest tumulari.*

22. *Vbinam laici sepeliendi tempore interdicti? In cœmeterio per Episcopum deputato, non tamen benedicto, postea quidem transferendi in Ecclesiam interdicto cessante, modò penitentes decesserint, qui culpabiles fuerant. Porro quæ dixi in generali interdicto, potiori iure in speciali procedunt.*

23. *Quid si interdictum sit personale? Si speciale, certum est eas personas sic interdictas Ecclesiastica sepultura priuatas esse. Si generale, probabile est in sacro loco eas posse sepeliri.*

24. *Interdicitur ingressus Ecclesie.* Ad officia tantum divina participanda ingressum prohibendum esse reor, inter que etiam Ecclesiasticam sepulturam contineri. *Fillinius* confirmat.

25. *Quodnam peccatum est in hac materia interdictionem violare?* Ex suo genere lethale peccatum. Unde poenam excommunicationis etiam incurrit, qui aliquem in loco interdicto sepelint.

26. *De interdicti suspensione quid?* Tribus modis suspenditur. 1. Generali privilegio, ut in Natali Domini, Pasche, Pentecoste, Assumptione Deiparæ, Festivitate Corporis Christi, & per totam octavam, Festo Conceptionis B. Virginis, & per totam octavam in Hispania. 2. Particulari privilegio suspenditur à Sede Apostolica multis Religiosis concessio. 3. Per iudicis sententiam, v. gr. Papæ, Legati à latere Episcopi, si à se ratum sit, & inferiorum etiam Prælatorum eodem modo.

### CAPUT III.

#### *De Interdictis in particulari.*

27. *Quotnam in casibus interdictum locale generale à iure latum est.* Septem. 1. Si rector civitatis, ubi moritur Papa, non faciat contenta *cap. ubi periculum, de elect. in 6.* Si dominus terræ iniuriosè Episcopum percuriat, vel percussit, mandet. 3. Si Legatum vel Nuncium Apostolicum in suo impediatur officio. 4. Si personæ Ecclesiæ manifestis usurariis domos concedant. Post mensem enim, in quo percussus est excommunicatione, ipsorum terræ sunt interdictæ. 5. Si civitas exigat gabellas à personis Ecclesiasticis de rebus ipsarum exportandis. 6. Si consentiat Cardinalis neci, vel infra mensem non puniat in eisdem delinquentes. 7. Si Episcopum iniuriosè bannierit, occiderit.

28. *Locale speciale quotnam in casibus incurritur?* Tribus. 1. Si in eo loco per vim Episcopus detineatur. 2. Si Clerici non restituerint infra dies decem funeralia Ecclesiæ, in qua de iure sepeliendus erat is, quem induxerunt ad vouendum, ut eligeret sepulturam in sua. 3. Si hæreticus scienter in Ecclesia sepeliatur.

29. *Interdictum autem personale generale quotnam in casibus incurritur?* Nouem. 1. Si vniuersitates alienigenis vltimatis

causis habitationem concedant. 2. Si concedant repressalias, vel extendant contra Clericos. 3. Si Ecclesiasticis decimas imponant, vel ab iis exigant. 4. Si resistent statutis Papæ circa Episcopatus Tolosani diuisionem. 5. Si non seruetur constitutio Ioannis XXII. circa Beneficiorum vacantium fructus. 6. Si à sententiis Papæ ad futurum Concilium appellauerint. 7. Si Capitulum in fra annum dimissorias concedat. 8. Si ab Ecclesiasticis exigant tributa. 9. Cum ob crimen Vniuersitatis interdictum locale fertur *grale*

30. Quoniam denique casibus interdictum personale speciale incurritur? 1. Incurritur iudex Ecclesiasticus ferens Censuram contra cap. *Medicinalis*. 2. Recipiens dignitatem de manu laici. 3. Usurpans de redditibus vacantis Ecclesiæ. 4. Episcopus vel Abbas alienans bona Ecclesiastica contra Paulinam. 5. Violantes interdictum locale ab homine, vel à iure. 6. Prælati in uisitatione ultra concessa recipientes. 7. Iudices Ecclesiastici priuantes Curiales Beneficiis. 8. Superiores vsurpantes bona nonnullarum vacantium Ecclesiarum. 9. Clerici in Sacris, qui iacent in fornicationis crimine. 10. Prælati commentaria in Tridentinum edentes.

CAPVT IV.

Praxis circa materiam de Interdicto ex Societatis IESV Doctoribus.

31. **H**abet quis duplex domicilium, interdicatur unum; in- §. I.  
terdictus ne erit habitans in loco non interdicto? Dum De latio-  
habitat in loco interdicto, onus interdicti ferre debet; in alio ne inter-  
verò domicilij loco liber est. *Suar. de cens. d. 32. sect. 2. n. 16. dicti.*

32. Interdicatur Clerus, intelliguntur ne Religiosi interdicti? *Suar.*  
Non, nisi exprimat, aut ex contextu liqueat; quia Religiosi  
in odiosis nomine Cleri non exponuntur. *Præpositus in 3. Præp.*  
*p. 9. 4. dub. 2. n. 11.*

33. Quid, quando interdicuntur Ecclesiastici? Comprehenduntur Religiosi, etiam conuersi, Moniales, Eremitæ, nouitij, qui quidem non interdicuntur, si Religiosi interdicti exponantur; quia nouitij nomine Religiosi non signantur. Ita *Præpositus.*  
*Præp.*

34. Potest ne propter debitum pecuniarium interdictum locale iam generale, quam speciale ferri? Probabilius, quàm alij *Præp.*  
asserunt, negat *Præpositus in 3. p. 9. 3. dub. 1. n. 5.*

35. Inter

S.2. 35. *Interdictum locale scio impedire publicam Missarum, & De In-officiorum celebrationem in Ecclesiis, Monasteriis: rogo autem, verdicti num celebrari possint in oratorijs privatis, & alijs locis extraordinarijs? Negat Turrianus lib. 6. d. 49. quid Bonifacius cap. de localisef- narijs? ma mater concessit, vt in loco interdicto Missa & officia le- fectibus. creto celebrarentur in Ecclesiis, & Monasteriis, nulla facta*

Præp. *de oratorijs mentione. At Præpositus in 3. part. quæst. 4. dub. 1. num. 29. probabilius asseruit? quia in materia favorabilioratoria, & alij loci sacri possunt sub Ecclesiæ nomine comprehendi.*

36. *Bonifacius concessit vt quando Missa, & officia secreti celebrantur in locali interdicto Sacerdotes, & Clerici omnes intersint, non tamen laici nisi in certis diebus: rogo, an nomine Clericorum comprehendantur etiam coniugati seruiens Ecclesiæ? Affirmat Coninch de sacr. d. 17. dub. 2. num. 30. quia eo ipso, quod et mandato Episcopi, Ecclesiæ seruitio deputati sunt, in hoc alijs Clericis videntur æquales. An non melioris conditionis essent, quam Clerici, si absque assistentia stipendia acciperent? Scio Gasparem Hurtado de Interd. diff. 7. num. 19. contrarium asseruisse.*

37. *Scio laicos ex concessione Bonifacij posse sacris interesse in die Natalis Domini, Pasche, Pentecostes, Corporis Christi, Assumptionis Deiparae, (& Conceptionis in Minorum Ecclesiis: ) rogo, an festa Natiuitatis, Pentecostes, & Pascha sequentes dies comprehendant: an primum solummodo indicant? Asserit Suarius d. 34. sect. 1. num. 39. tantum primos dies intelligi. Alii probabilius alij putant dies festos immediatè sequutos contineri: quia illi omnes ad festum principale pertinent.*

38. *Scio, alijs diebus non posse laicos diuinis officijs interesse: possunt ne assumi in ministros? Deficientibus Clericis possunt quia cum Sacerdotibus concessum est principale, concessum etiam accessorium præsumitur. Præpositus in 3. part. quæst. 4. d. 3. num. 31. Quot ministros poterit adhibere? Duos (ex eiusdem sententia) vt antea solebat.*

39. *Assistit laicus sine necessitate: an delinquat? Si absit contemptus, & scandalum, solummodo peccat venialiter, etiam in Sacrificio Missæ. Quod negat Coninch d. 17. dub. 3. n. 68. At Auila part. 5. d. 5. dub. 2. probabile putat, nullo modo peccare; quia non prohibetur laicus interesse: sed prohibentur Clerici, illum admittere.*

40. *Scio interdictum locale impedire Eucharistiae ministrationem extra mortis articulum; Extrema unctionis, quando infirmus confessus est, aut communicauit: scio, Pœnitentiam*



semper posse ministrari, quod iure antiquo extra necessitatem non licebat: rogo autem, num liceat Matrimonium tempore Interdicti contrahere? Licet generaliter prohibeatur Sacramentorum susceptio, exceptis casibus iure expressis: & Matrimonium in iure non excipiatur: tamen illa prohibitio intelligitur de Sacramentis commissis administrationi Ecclesiae: administratio verò Matrimonij ipsis competit contrahentibus. Attamen Suar. contrarium asseruit d. 33. sect. 1. n. 51.

Suar.

41. Possunt ne benedictiones nuptiarum, quae inter diuina officia computantur, Missa, ac solemnibus precibus perficiuntur, geri? Asserit Turr. lib. 6. dub. 4. celebrari posse in diebus, quibus diuina officia celebrari publicè permittuntur. Possunt ne fieri quotidie eo modo quo diuina officia singulis diebus celebrantur, scilicet ianuis clausis? Negat Henriquez lib. 13. cap. 45. num. 3. quia quando diuina officia priuatim celebrantur, laici interuenire non possunt: ergo neque sponsus, & sponsa interesse.

Turr.

Henriq.

42. Obseruanda ne ianuarum clausuram circumstantia in celebrando sacro, &c. sub mortali? Hurtado affirmat de Inter. diff. 10. num. 32. At Turrianus lib. 6. d. 49. dub. 6. secluso scandalo, & contemptu grauem negat esse materiam.

Hurt.

Turr.

43. Scio personaliter interdictum non posse licitè Sacramenta conferre, posse tamen validè: rogo an Episcopus interdictus celebrando, possit Ordines, etiam sacros dare? Potest Ordines minores; quia hi non necessario conferuntur in sacro, Potest & maiores Praeposito auctore in 3. p. q. 4. dub. 3. n. 24. quia non est necesse, vt ordinans sacrum faciat; sed conferre Ordines potest, alio celebrante.

§. 3. De Interdicti personalis effectibus. Praep.

44. Sacerdos interdictus toleratus celebrat, licitum est cui libet non interdicto eius Missam audire: rogo autem, si denunciatus sit Sacerdos, an possint non interdicti adesse? Asserunt Suarius apud Fabrum c. 2. n. 47. & Turrian. lib. 2. d. 49. dub. 2. quia interdictum personale militat solummodo contra personam interdictam. Nulla enim prohibitio apparet in iure, ne alij cum interdicto communicare possint.

Suar.

Turr.

45. Interdictus quis est ab ingressu Ecclesiae: prohibitus ne semper Ecclesiam adire? Suarius d. 35. sect. 4. solum ingressum formalem ad orandum edocet prohiberi. Gordon. tom. 1. lib. 7. quaest. 16. cap. 8. num. 55. & 56. putat omnem ingressum in Ecclesiam esse prohibitum. At Auila part. 5. d. 4. dub. 5. conc. 6. ex mente, existimo solum prohiberi ingressum tempore officiorum, in aliis autem licitum ingressum, etiam ad orandum;

Suar.

Gord.

Auil.

dum; quia Ecclesia fundata est propriè ad celebranda, & audienda diuina officia, per accidens autem ad priuatas fundendas orationes. Imò, dum Officia celebrantur: potest transire per Ecclesiam, & per transeuntem orare.

46. *Per interdictum ab ingressu Ecclesia, quo prohibetur Officiorum auditio, & sepultura, prohibetur ne vsus Sacramentorum* Asserit Gordonus tom. 2. lib. 7. quæst. 16. cap. 8. num. 56. sed affirmat Henriq. lib. 13. c. 32. n. 2. posse interdictum ab officiorum assistentia, in Ecclesia Sacramenta recipere; quia possunt hæc absque dependentia à Missa ministrari.

47. *An interdictus ab ingressu Ecclesia, possit in Cœmeterio diuina officia audire, & Missam celebrare?* Potest; quia nomen Ecclesiæ in lege pœnali strictè sumendum. *Filliucius* tom. 1. tract. 18. c. 5. n. 103.

48. *Clericus interdictus Officium recitat, & ad orationem præmittit, Dominus vobiscum, benedicit aquam cum aspersione salis, Episcopus solemniter benedictionem impertit: peccat ne mortaliter?* Asserit Suarius apud Turrianum lib. 6. d. 49. dub. 1. quia hi actus licet quantitate parui, sunt tamen graues in qualitate, nempe Ordini sacro annexi. At ipse. *Turrianus* docet omnes hosce actus piacula venialia esse ob materiam leuitatem.

§. 4. 49. *Quandonam obligat interdictum?* Respondeo ex *Filliucio* interdictum locale generale non obligare antequam denunciatur, sicut nec speciale respectu habitò ad specialem locum. *De interd. varia.* Personale si generale sit, satis esse iudico contra talem communitatem esse denunciatum, & euidenter constare, talem personam de ea esse communitate. Speciale autem statim obligare personam, in quam fertur: alios tamen ad eam personam vitandam non teneri, antequam interdictum sit denunciatum.

50. *Tenetur ne interdictum seruare ipse, qui posuit?* Maximè alioquin pœna illigatur, nisi sit Summus Præsul, aut nisi secum dispense, *Saa* assertore.

51. *Interdictum non denunciatum seruandum ne est?* Minimè; denunciandum est enim contra certum locum, aut personam. Nec potest quis denunciari interdictus sine citatione. *Capitulum, aut populus est.* Licet hic & illud sit denunciatum interdictum non sufficit, vt ideo singuli denunciati censeantur. Sic *Saa* ex *Nauarro*.

52. *Tenet ne interdictum post appellationem positum?* Non tenere ex *Saa* affirmo, quia iam illius causæ iudicium ad Superiorem transit.

53. Potest ne Episcopus relaxare interdictum iuris? Si non sit huiusmodi interdictum ad certum tempus, nec generalium, relaxari poterit ab Episcopo. Imò quivis Prælatas quantum ad subditos idem præstare poterit, eodem

Saa

54. Quinam ab interdicto generali personali, aut locali eximantur? Interdicto loco, non includuntur in ea causa minimè culpabiles; quia interdicti censura culpam torquet. Interdicto populo, non includuntur doli incapaces; quia innocentiam censura non vexat; tamen in communem vindictam sepultura hi prohibentur. Consequenter assero eum, qui in populo interdicto sine culpa interdicti est, posse alibi, si absit scandalum, & celebrare, & officia diuina exaudire. Ex Saa

Saa

55. An interdicta tota diœcesi, aut omnibus civitatis Ecclesiæ Cathedralis includatur? Minimè, nisi specialis fiat illius mentio; quia in odiosis sub communi nomine non venit.

Saa

56. Prohibetur ne interdicti tempore Eucharistia ministratio eis, qui ad assistendum diuinis officijs privilegiati sunt? Non prohiberi Toletus affirmat.

Tolet

57. An possit in Ecclesia particulariter interdicta aliquod aliquando officium celebrari, aut ministrari Sacramentum? Respondeo cum Toletis celebrari posse ad renouandum Sacramentum, vel dandum infirmo, clausis tamen ianuis: & dari absolutionem pœnitenti, & dici officium à duobus vel tribus, sine animo tamen officianti.

Tolet

58. Licet ne tempore interdicti etiam specialis communicatio Clericorum & Religiosorum, aut Ordinis ministratio? Assero ex Toletis licere quidem Clericorum ac Religiosorum communionem, non autem ministrationem, nisi Episcopus positum à se interdictum suspendat.

Tolet

59. Quidnam possint privilegiati interdicti tempore? Respondeo ex eodem Toletis privilegiatos ad diuina officia, quales Clerici & Religiosi, posse sepeliri in Ecclesia etiam specialiter interdicta, si alia desit, aut ea sit propria; posse & ad diuina familiares, vel domesticos admittere; & qui potest celebrare, posse sibi ministrum quemuis non privilegiatum adiungere.

Tolet

60. Quid si Sacerdos admittat interdictum? Si scienter admittit, alij exire non tenentur. Porro Sacerdoti huiusmodi interdictus est Ecclesiæ ingressus vsque ad satisfactionem, Saa collectore.

Saa



Saa.

61. Si contemptus adsit, est ne mortalis interditi violant. Asserit Saa quosdam negare esse mortalem culpam defectu te contemptu, & scandalo. Quoad laicos commune a Doctoribus id censetur, quoad Clericos autem mortale crimen affirmo, quando ut Clerici violant.




## EXAMEN V.

Circa materiam de Pœna Cessationis à Diuinis, Depositionis, ac Degradationis.

## CAPVT PRIMVM.

*Quidnam, & quotuplex cessatio à Diuinis.*

1.  *Vid est à Diuinis cessatio? Simplex prohibitio Diuinorum in aliquo loco, imposita in signum afflictionis Ecclesiæ, & ut generale quoddam ipsius grauamen.*
2. *Quotuplex illa? Duplex, vna generalis, qua prohibentur diuina in loco vniuersali, v. g. Regno, ciuitate; altera particularis, qua in loco particulari, v. g. in vna Ecclesia prohibentur.*
3. *Est ne censura? Minimè; sed per modum simplicis prohibitionis fertur, & comminatoriè tantum.*
4. *Causam huiusce pœnae efficientem assigna. Papa, Episcopus, & Capitulum Sede vacante possunt imponere cessationem; nam cessatio pertinet ad forum contentiosum, cui præest Papa, & Episcopus. Concilium item Prouinciale, & Diocesanicum potest cessationem imponere.*
5. *Formam imponendi cessationem assigna. Hæc esse potest. Nos ob talem causam ciuitatem, vel Ecclesiam à Diuinis officij præcipimus abstinere.*
6. *Quenam conditiones in ferenda cessatione obseruandæ? 1. Delictum sit manifestum, & notorium. 2. Admoneatur is ob cuius culpam ferenda est cessatio. 3. Pareat, & satisfaciat nisi ferens cessationem, & ille contra quem fertur, intra mensem se componant, & adeant Pontificem summum per se, vel Procuratorem. Porro qui cessationem tulit, potest transacto mense, postquam iter ad summum Præsulem suscipit, tollere cessationem.*

7. Causam